

Atuakkap suliarineranut nassuiaat

Atuakkap aqqa: Inuit innarluutillit Pisinnaatitaaffii pillugit Naalagaaffiit Peqatigiit isumaqatigiissutaat – Saqqummersitaq atuaruminartoq.

3. oplag: 1000

ISBN 978-87-970915-0-0

Innarluutillit pillugit oqaaseqartartuanit saqqummersitaq Tilioq, 2023

Allaaserisamik suliarinnittoq: Anja Hynne Nielsen

Socialministeriap naqitertitaa isumassarsiffigalugu
”FN’s konvention om rettigheder for personer med handicap
– på let dansk”

Nutserisoq: Per Kunuk Lynge

Grafik: irisager.gl

Naqiterfia: N Offset

Saqqummersitavut sapinngisamik tamanut atuarneqarsinnaanerat anguniagaraarput. Naqinnerit anginerit, kittoraasersuinerit ikittut, tunuata tungaa qasungasoq qalipaattillu ersarissuutinniarsaralugit.

NunaFondimiit tapiisoqarneratigut suliarineqarpoq aamma Inuit Pisinnaatitaaffii pillugit Institut-imiit tapiisoqarneratigut saqqummersinneqarpoq

Qutsavigaavut:

NunaFonden saqqummersissallugu periarfissiimmat

Inuit Pisinnaatitaaffii pillugit Institutti siunnersuineranut
ilitsersuineranullu kiisalu saqqummersitassanut
aningaasaliineranut

Carl Christian Olsen

NunaFonden



IMAI

Asasara Atuartartoq	6
Oqaatsit allattorsimaffii	8
Naalagaaffiit Peqatigiit aamma Naalagaaffiit Peqatigiinni isumaqatigiissutit	9
Naalagaaffiit Peqatigiit inuit innarluutillit pisinnaatitaaffii pillugit Isumaqatigiissutaat	11
1. Isumaqatigiissutip siunertaa	12
2. Oqaatsit isumaat	13
3. Isummat tunngaviusut	14
4. Kalaallit Nunaata pisussaaffii	15
5. Kikkulluunniit pisinnaatitaaffigivaat naligiimmik pineqassallutik	16
6. Arnat innarluutillit	17
7. Meeqqat innarluutillit	17
8. Paasissutissiineq	18
9. Tikikkuminassuseq	19
10. Inuunissamut pisinnaatitaaffik	20
11. Sorsunnermi ajunaarnersuaqarnermilu ikiorneqarnissaq	21
12. Inatsit tamanut naligiimmik atuuppoq	22
13. Kikkulluunniit eqqartuussivinnut saaffiginnissinnaapput	23
14. Kiffaangissuseqarneq inuttullu isumannaatsumik pineqarnissaq	24

15. Anniartitsilluni naalliutitsinermut tamat illersugaasussaapput	24
16. Nakuusernernut atornerlunneqarnermullu tamat illersugaasussaapput	25
17. Kikkut tamarmik namminiussusertik atorsinnaatitaavaat	26
18. Sumulluunniit angalasinnaanermut pisinnaatitaaffik	26
19. Nammineq inuuneqarnissamut inuiaqatigiinnullu akuunissamut pisinnaatitaaffik	27
20. Sumulluunniit orniguffiusinnaasunut tikilluaqqusaaneq	28
21. Kikkulluunniit isummersinnaanermik pisinnaatitaaffeqarput paasissutissanillu pisinnaatitaaffeqarlutik	29
22. Nammineq inuuneqarnissamut pisinnaatitaaffik	29
23. Ilaqutaqarnissamut angerlarsimaffeqarnissamullu pisinnaatitaaffik	30
24. Kikkulluunniit ilinniarsinnaatitaapput	31
25. Kikkulluunniit peqqinnissamut pisinnaatitaaffeqarput	32
26. Nammineersinnaaneq anguniarlugu ikiorneqarnissamik pisinnaatitaaffik	33
27. Kikkut tamarmik suliffeqarsinnaatitaapput	34
28. Kikkulluunniit toqqissimasumik inuuneqarsinnaatitaallutillu inuunermi naammattumik pissaqartitaasinnaatitaapput	35
29. Politikkikkut sunniuteqarnissamut pisinnaatitaaneq	36
30. Timersorneq, kulturi sunngiffimmilu sammisaqarsinnaatitaaneq	37
Immikkoortoq 31-miit 50-mut	38

Asasara Atuartarpoq

Naalagaaffiit Peqatigiit inuit Innarluutillit pillugit Isumaqatigiissutaat tamatsinnut attuumassuteqarpoq. Pisinnaasat annikillinera taamaallaat ikinnerussuteqartunut atuutinngilaq. Nunatsinni innuttaasut tallimaagaangata ataaseq innarluuteqartarpoq. Qanigisat sulii amerlanerupput. Tamattami aamma arlaatigut inuunerup ingerlanerani arlaleriarluta pisinnaasatta annikillinera nalaattoortarparput.

Naalagaaffiit Peqatigiit naapertorlugu innarluuteqarneq pilertarpoq inuit pisin-naasaat annikilligaangata inuiaqatigiinnilu akimmiffiit pilersinneqaraangata. Inuit innarluutillit pillugit isumaqatigiissutip siunertaa tassaavoq aporfiit pilersinneqarsimasut peersissallugit. Kalaallit Nunaata 2012-mi Naalagaaffiit Peqatigiit Inuit innarluutillit pillugit Isumaqatigiissutaat atortussanngortippaa. Tamanna isumaqarpoq Kalaallit Nunaat inatsiliornermi allaffissornikkullu aqutsisoqarnermi isumaqatigiissut naapertorlugu inissisallugu pisussaaffigileraa.

Siullertut pingaarnepaamillu inuit innarluutillit inuttulli allatulli inuupput assigiinngitsuullutillu.

Inuit innarluutillit ataatsimut isigalugit amerlapput, katiternerannilu assigiinngiiaaqalutik. Inuit timimikkut, tarnimikkut, misigissutsimikkut, silassorissutsimikkulluunniit innarluuteqartuupput. Innarluuteqarneq amerlasuutigut inuiaqatigiinni naligiinngitsumik periarfissaqalernermik kinguneqakkajuttarpoq. Ataatsimooqatigiiffinniit immikkoortitaanermik kiserliornermillu akuttunngitsumik kinguneqartarpoq.

Isumaqatigiissut atuutsinneratigut Kalaallit Nunaat pisussaaffeqalerpoq inuit innarluutillit allatulli assigiimmik periarfissaqartissallugit qulakkiissallugu, soorlu assersuutigalugu ilinniartitaanikkut, ineqarnikkut suliffeqarnikkullu. Taamaallutik inuit innarluut ilaqutaallu sanilerisanut, suleqatinut aamma aapparisanut naligiissitaassapput. Inuuneqassapput peqataallutik namminersorsinnaallutillu. Ilaquttatik kammalaatitillu pulaarsinnaavaat, angalasinnaapput, mobiliminik nutaarsiassanik atuarsinnaapput tusarnaarsinnaallutilluunniit inuiaqatigiinnilu susassareqatigiillutik peqataasinnaapput. Inuit innarluutillit pillugit isumaqatigiissut ilinnut sakkuuvoq pingaaruteqartarpoq. Illit ilaquttatillu pisinnaatitaaffisi pillugit oqaluttuuppaatit.

Inuit pisinnaatitaaffii tunngaviumillu kiffaanngissuseqarnissamik pisinnaatitaaffii soorunami aamma inunnut innarluutilinnut atuuttuusut isumaqatigiissummi aalajangiunneqarpoq. Isumaqatigiissutip inunnut innarluuteqartunut ataqqinnittoqarnissaanik ataqqinassuseqartarpoq oqarnissaanillu aqutissiuussissaaq.

Inuit Innarluutillit pillugit isumaqatigiissut Tiliup suliniarneranut sinaakkusiivoq. Naalakkersuisut innarluuteqarnermut suliarisassatut angorusutaannut tunngavigisasaannut ilaavoq. Kommunit innarluuteqarnermut suliniutaannut pingaaruteqarpoq. Isumaqatigiissummi pisinnaatitaaffittut aalajangersimasut anguneqarnissaat siunertaralugu isumaqatigiissutip aamma qulakkearniartussaavaa ingerlaqqittumik inerisaasoqassasoq.

Isumaqtigiissut ilinnut pingaaruteqarpoq.

Isumaqtigiissut naapertorlugu inuit innarluutillit allatulli assigiimmik pisinnaatitaaffeqaraluartut pissutsini piviusuni pisinnaatitaaffiit qulakkeerumallugit amerlanertigut sorsuttoqaqqaartariaqarpoq. Nammineq uanga qanigisaasutut pisinnaatitaaffiit pillugit sorsuttariaqarsimavunga, uffalu pisinnaatitaaffiit ersittumik naqinneri allaqqareersut.

Taamaattariaqanngikkaluarpoq. Sorsuuteqarnitsinni Isumaqtigiissutip ikiorsinnaavaatigut. Inatsisinik pitsaanerusunik pilersitsinissamut sakuuvoq aamma inuit innarluutillit atugassarititaasa pitsanngorsarnissaanut qulakkeerissaaq – tamannalu tamatsinnut iluaqutaassaaq.

Isumaqtigiissut una saqqummersinneqartoq atorlugu, Naalagaaffiit peqatigiit inuit innarluutillit pillugit isumaqtigiissutaannit ilisimasat, Nunarsuarmi anguniakkat aamma Leave No One Behind agenda tunngavigalugit inuiaqtigiinni oqallittoqalerumaarneranik neriuutaavoq. Illit, uanga aamma uagut pisinnaatitaaffivut pillugit illit matuminnga atuartutut ilisimasatit annertusinissaat neriuutigaara. Eqqaamajuk, Inuit innarluutillit pillugit Isumaqtigiissummi allaqqasunut naleqqiullugu, innuttaasutut illit suli amerlanerusunik pisinnaatitaaffeqaravit.

Tiliup nittartagaani Kalaallit Nunaanni inatsisit pisinnaatitaaffiillu pillugit nammineq atuarlugit paasisaqarnerusinnaavutit, soorluttaaq oqarasuaatikkut Tiliumut saaffignittoqarsinnaavoq. Tilioq.gl-mi tamanna pillugu annertunerusumik atuarsinnaavutit, tassanilu aamma attavissanik ujarlersinnaallutit.

Atuarluarnissannik kissaappakkit oqallilluarisilu.

Anja Hynne Nielsen
Inuit innarluutillit pillugit oqaaseqartartoq



Oqaatsit allattorsimaffii

Oqaatsit aalajangersimasut isumaqatigiisummi atorneqarnerupput. Uani takusinnaavat qanoq isumaqarnersut:

<p>Pisinnaatitaaffik:</p>	<p>Pisinnaatitaaffik isumaqarpoq arlaannik pisinnaal-luni. Oqaaseq pisinnaatitaaffik atorneqaqaaq, ingammik naalagaaffiup inuillu tassani inuusut akunnerminni atuagassarititaat pillugit oqariartuuteqartilluta. Innuttaasut tamatumani arlariinnik pisinnaatitaaffeqarput, naalagaaffimmiit innuttaasunillu allaniit illersorneqarniassammata.</p>
<p>Tikikkuminarnera:</p>	<p>Tikikkuminarpat, imatut isumaqarpoq, tamanut tikikkuminartuusooq – aamma inunnut innarluutilin-nut. Sanaartugaq atoriaannaasooq isumaqarpoq assersuutigalugu iserfigilertorneqarsinnaasusaaq. Nittartagaq atulertorneqarsinnaasooq assersuuti-galugu isumaqarpoq inuit isiminnik takusinnaan-ngisaannik atuffassisinnaasooq.</p>
<p>Oqartussaasut:</p>	<p>Oqartussaasut assersuutigalugu tassaapput kommune, politiit imaluunniit eqqartuussivik.</p>
<p>Assigiinngissitsineq:</p>	<p>Innarluuteqarneq tunngavigalugu assigiinngissitsi-neq tassa inuk innarluuteqarnini tunngavigalugu inuiaqatigiinnut ilaasinnaanerminut ilaannakor-tumik tamakkiisumilluunnit peqataatinngitsoor-neqartoq.</p>
<p>Kalaallit Nunaat:</p>	<p>Uani allaaserisami Kalaallit Nunaat atorneqartillugu isumaqartinneqartarpoq Nunatsinni pisortat oqar-tussaasui. Tassani ilaatigut pineqarput Namminer-sorlutik Oqartussat, kommuunit, eqqartuussiviit aamma peqqinnissaqarfik.</p>

Naalagaaffiit Peqatigiit aamma Naalagaaffiit Peqatigiinni isumaqatigiissutit

Uani inuit innarluutillit pillugit isumaqatigiissummi pingaarnersiulluni kalaallisut danskisullu atuaruminarsaalluni allaaserinnittoqarpoq. Isumaqatigiissummi pingaarnarpaat kisimik ilanngunneqarput. Siullermik Naalagaaffiit Peqatigiit Isumaqatigiissutaat sunaanersoq atuarsinnaavat. Kingorna Isumaqatigiissut atuarsinnaavat.

Naalagaaffiit Peqatigiit FN-imilu isumaqatigiissutit

FN danskit oqaasiannit Forenede Nationer-imit naalisaagaavoq, Naalagaaffiit Peqatigiinnik kalaallisut taaguuteqarluni, Kalaallisullu ulluinnarni oqalunnermi aamma FN-imik taagorneqartarluni. Peqatigiiffiuvoq nunat tamalaat peqataaffigisinnaasaat.

Naalagaaffiit Peqatigiit nunarsuarmi inuit tamarmik pitsaasumik inuuneqarnissamik periarfissinneqarnissaannik suliaqartuuvoq.

Inuit pisinnaatitaaffeqarnerat pillugu isumaqatigiissusiortarneq suliarineqartarpoq.

Naalagaaffiit Peqatigiit isumaqatigiissutaani isumaqatigiissutitut allaqqavoq inuit eqimattaakkaat pisinnaatitaaffeqartut. Naalagaaffiit Peqatigiit iluani aalajangiunneqaqqaartarpoq. Tamatuma kingorna nunat namminneq peqataaffiginiarnerlugu aalajangerartarput. Nunap sunaluunniit isumaqatigiissut malinniarlugu aalajangeruni, tamanna isumaqatigiissutip peqqussutaanik malinninnissamik isumaqarpoq.

Inuit Innarluutillit pillugit Isumaqatigiissut Naalagaaffiit Peqatigiinnit isumaqatigiissusiaavoq. Tamannalu isumaqarpoq, inuit innarluutillit pisinnaatitaaffeqartut.

Inuit innarluutillit pillugit isumaqatigiissutip siunertaa

2006-imi Naalagaaffiit Peqatigiit inuit innarluutillit pisinnaatitaaffeqarnerannik isumaqatigiissusiorput. Inuit innarluutillit pillugit isumaqatigiissummik imalunniit isumaqatigiissummik taagorneqarpoq. Inuit Innarluutillit pillugit Isumaqatigiissummi allassimavoq, inuit innarluutillit allat assigalugit inuunerminni sutigut tamatigut naligiimmik pisinnaatitaaffeqassasut.

Kalaallit Nunaanni Inuit Innarluutillit pillugit isumaqatigiissut atuutsinneqassasoq aalajangerneqarnikuuvoq. Tamannalu isumaqarpoq, inuit innarluutillit pillugit isumaqatigiissut Kalaallit Nunaata maleruassagaa. Inuit Innarluutillit pillugit Isumaqatigiissutaat naapertorlugu Kalaallit Nunaat pisussaaffeqarpoq inuit innarluutillit pisinnaatitaaffiinik malinnissalluni.

Naalagaaffiit Peqatigiit Isumaqatigiissutaat aallarniineq immikkoortortallu 50-it imarivaa. Isumaqatigiissummi immikkoortorta q taaneqassaaq immikkoortoq. Maani aamma

taamatut ateqartissavagut. Isumaqatigiissutip aallarniinerani pisinnaatitaaffiit ilai pillugit oqaluttuortoqarpoq, taakkuuppullu Naalagaaffiit Peqatigiinni nunat isumaqatigiissutigereersimasaat. Aallarniinermi aamma oqaluttuarineqarpoq, sooq Naalagaaffiit Peqatigiit isumaqarnersut, inuit innarluutillit isumaqatigiissuteqassanersut – isumaqatigiissut inunnut innarluutilinnut taamaallaat tunngatinneqartoq.

Immikkoortuni 1-3-mi isumaqatigiissummi anguniakkat pingaarnerit atuarsinnaavatit.

Immikkoortuni 4-30 pisinnaatitaaffiit ataasiakkaat isumaqatigiissummi aalajangersarneqartut tamatumanilu inuit innarluutillit pisinnaatitaaffii eqqortinneqassappata Kalaallit Nunaat qanoq iliuseqassanersoq atuarsinnaavatit.

Aamma atuarsinnaavat kikkunnut tamanut piviusunnngornissaa qulakkeerumallugu Kalaallit Nunaat qanoq iliuseqassanersoq.

Immikkoortoq 31-miit 50 ilanngullugu inuit innarluutillit pillugit isumaqatigiissut nunat assigiinngitsut qanoq suleqatigiissutigisinnaaneraat atuarneqarsinnaavoq. Tassani aamma FN-imit nunat assigiinngitsut isumaqatigiissummik qanoq atuutsitsinerat nakkutigisarneraat atuarneqarsinnaavoq.

Ilaannikkut mikisunik kipparissunik ilaqartassaaq, tassani inuit innarluutillit pillugit isumaqatigiissut annikitsumik nassuiarneqartarpoq. Paasissutissat isumaqatigiissummiinngillat. Inuit innarluutillit pillugit isumaqatigiissut assersuusiornikkut qanoq isumaqarnersoq ilannguniarlugit ikkuppagut.

Isumaqatigiissut arlaatigut innarlerneqarsimatillugu suliarlu nunagisami inaarutaasumik aalajangersaavigineqarsimatillugu inuit innarluutillit aamma innuttaasut allat Naalagaaffiit Peqatigiiffiisa Innarluutilinnut Ataatsimiititaliaanut naammagittaalliornissamut ilassummi periarfissiissutigineqarpoq. Kalaallit Nunaatali inuit innarluutillit isumaqatigiissutaata ilassutaa Nunatsinni atuutsinneqassanngitsoq qinersimavaa.

Inuit innarluutillit pillugit isumaqatigiissut sumut atorneqarsinnaava?

Isumaqatigiissummi nutaanik pisinnaatitaaffiortoqanngilaq, inuilli tamarmik pisinnaatitaaffigaat. Inuit innarluutillit pisinnaatitaaffii pillugit isumaqatigiissut pilersinneqarpoq inuit innarluutillit inuttulli allatulli pisinnaatitaaffeqartikkumallugit. Inuit innarluutilippasuit assigiinngissitsinermik nalaataqartarput.

Nuna isumaqatigiissummik atuutsitsiniarluni aalajangertoq pinngitsoorani isumaqatigiissummik malinninnissaminik pisussaaffeqarpoq. Tamanna pisussaaffik aamma Kalaallit Nunaata malittussaavaa. Illit ilisarimasalluunniit isumaqatigiissummi pisinnaatitaaffiit eqquutinneqannginnerat misigigukku taava Kalaallit Nunaat tamatuminna allannngortitsissalluni pisussaaffeqarpoq.

Naalagaaffiit Peqatigiit inuit innarluutillit pisinnaatitaaffii pillugit Isumaqatigiissutaat

- kalaallisut paasiuminartumik sammillugu

Isumaqatigiissummut aallarniut

Naalagaaffiit Peqatigiit inuit pisinnaatitaaffii pillugit aalajangiussaqaarsimapput malitsigisaannillu pisinnaatitaaffinnik assigiinngitsunik isumaqatigiissusiorsimallutik.

Nunat Naalagaaffiit Peqatigiinni ilaasortaasut isumaqatigiissutigisimavaat inuit pisinnaatitaaffii inunnut innarluuteqartunut aamma atuutsinneqassasut.

Nunat aarleqqutigaat inuit innarluutillit inuiaqatigiinni suli akorngutinik misigisaqartarnerat, tamatuma kingunerisarpaa inuit allat naligalugit inuusinnaannginneq. Nunat aarleqqutigaattaaq inuit innarluutillit pisinnaatitaaffii ataqqineqartannginnerat.

Nunat isumaqarput inuit tamarmik pingaaruteqartuusut. Nunat aarleqqutigaat inuit innarluutillit inuttut innarluuteqarnertik pillugu immikkoortitaaneq misigisimasaraat.

Inuit innarluutillit amerlasuut pissakilliorlutik inuupput. Pingaartumik arnat aamma meeqqat innarluutillit nakuuserfigineqarsinnaanermik saassunneqarsinnaanermillu navianartorsiornerupput. Tamanna nunanit aarleqqutigineqarpoq.

Inuit tamarmik naleqarput. Nunat isumaqarput inuit innarluutillit inuiaqatigiinnut annertuumik tunniussaqaarsinnaasut. Taamaattumik nunat isumaqarput inuit innarluutillit pisinnaatitaaffii qulakkeerniarlugit iliuuseqartoqartariaqartoq aamma inuit allat naligalugit inuunissamik periarfissaqartariaqartut.

Nunat qularinngilaat siunissami inuit innarluutillit pisinnaatitaaffii pillugit isumaqatigiissutip inuit innarluutillit inuunerminni atukkaminnik pitsaanerusemik atugassaqaarsinnaanissaat. Aamma isumaqatigiissut akimmiffiusunik paaasinnaavoq inuillu innarluutillit inuttut allatulli inuiaqatigiinni peqataasinnaalernissaat isumagisinnaavaa.

Immikkoortoq 1

Isumaqatigiissutip siunertaa

Inuit innarluutillit pillugit isumaqatigiissutip siunertaraa, inuit innarluutillit inuttulli allatulli pisinnaatitaaffeqarnerat qulakkiissallugu. Tamatumani pissutaavoq inuit pisinnaatitaaffii kikkunnut tamanut atuunna.

Aamma inuit innarluuteqartut inuttut ataqqineqarnissaq pisinnaatitaaffigivaat.

Inuit Innarluutillit pillugit isumaqatigiissut inunnut innarluutilinnut tamanut inuiaqatigiinni allatulli peqataanissamut arlaatigut ajornakusoortitaqartunut atuuppoq.



Immikkoortoq 2

Oqaatsit isumaat

Inuit innarluutillit pillugit isumaqatigiisummi oqaatsit ilaat uteqqiattumik atorneqarput. Uani oqaatsit qanorlu isumaqarneri atuarsinnaavatit:

Attaveqatigiinneq

Attaveqatigiinneq tassaavoq assigiinngitsutigut attaveqatigiinneq qanorlu paaseqatigiinneq. Oqaatsit atorlugit imaluunniit naqitat assigiinngitsut aqutigalugit attaveqatigiinnerusinnaavoq. Assersuutitut qarasaasiaq atorlugu atuffatsitsinerusinnaavoq imaluunniit toornerit naqitat atorlugit allannerusinnaalluni. Toornerit naqitat allattasiuvoq tappiitsut atuarnermikkut atorsinnaasaat.

Oqaatsit

Assersuutigalugu oqaatsit tassaapput nipilimmik imaluunniit usersorluni oqalunnerit. Oqaatsinik atuneq assigiinngitsutigut pisinnaavoq, soorlu titartakkat assilissalluunniit atorlugit.

Assigiinngisitsineq

Inunnut innarluutilinnut killilersuineq inuiaqatigiinniluunniit peqataanissamut ilaatitsinnginneq innarluutilimmut assigiinngisitsineruvoq.

Assersuutigalugu inuit innarluutillit allatulli pisinnaatitaaffeqarnerat atuutinneqanngikkaangat tamanna assigiinngisitsinerusinnaavoq.

Inuit innarluutillit inuiaqatigiinni peqataatinneqarnissaat Kalaallit Nunaat qulakkeertussaavaa. Inuiaqatigiit kikkut tamarmik peqataatinneqarnissaat sulissutiginnippasuk tamanna assigiinngisitsinerussaaq.



Immikkoortoq 3

Isummat tunngaviusut

Inuit innarluutillit pisinnaatitaaffiisa isumaqatigiissutaani naleqartitat ima tunngaveqarput:

- Inuit tamarmik naleqarput.
- Inuit tamarmik inuunertik qanoq inuuffigissanerlugu pisinnaatitaaffigaat.
- Inuit tamarmik immikkoortinneqaratik inuusinnaatitaapput.
- Inuit innarluutillit allatulli peqataasinnaaniassammata inuiaqatigiit naleqqussassapput.
- Inuit assigiinngisitaartuupput. Inuttut innarluuteqarneq inuit akornanni assigiinnequtit ilagaat. Akuerineqarneq ataqqineqarnerlu inuttullu kinaassuseqarneq kikkut tamarmik pisinnaatitaaffigaat.
- Kikkut tamarmik inuiaqatigiinni peqataanissamik naligiimmik pisinnaatitaaffeqarput.
- Inuiaqatigiit kikkunnut tamanut tikikkuminartuunissamik periarfissiissapput.
- Arnat angutillu naligiimmik naleqarput naligiisinnerqartussaallutillu.
- Meeqqat innarluutillit inuttut ilinniarnissamut pikkorinnerulernissamik ineriartornissamillu periarfissaqassapput.



Immikkoortoq 4

Kalaallit Nunaata pisussaaffii

Kalaallit Nunaata isumagissavaa inuit innarluutillit inuttut pisinnaatitaaffii sutigullu tamatigut kiffaanggissuseqarlutik inuusinnaatitaanerat innarluuteqarnerlu pillugu immikkoortinneqanginnissaannut suliniuteqassalluni.

Tamanna ilaatigut ima paasineqassaaq:

Kalaallit Nunaat inuit innarluutillit pillugit isumaqatigiissummi pisinnaatitaaffiit atuut-sinneqarnissaat inatsisitigut akuersissutigissavaa. Aamma Kalaallit Nunaat inunnut innarluutilinnut inatsisit, maleruagassat ileqqulluunniit assigiinngisitsinermik kinguneqarsinnaassut allanngortissallugit atorunnaarsissavai.

Kalaallit Nunaata sutigut tamatigut inuit innarluutillit atugaat inuit pisinnaatitaaffii naapertorlugit suliniuteqarfigissavaa.

Kalaallit Nunaat inuit innarluutillit pisinnaatitaaffii pillugit isumaqatigiisutuniorlugu eqqunngitsumik iliorsinnaatitaangilaq. Aamma Kalaallit Nunaata pisussaaffigaa pisortani suliffeqarfinni paaqqinniittarfinnilu inuit innarluutillit pillugit isumaqatigiis-summi peqqussutit eqquutsinneqarnissaat sulissutigissallugu.

Kalaallit Nunaata inuit, suliniaqatigiiffiit suliffeqarfiillu tamarmik inuit innarluutillit assigiinngitsumik pineqannginnissaat sulissutigissallugu sulissarivaa.

Kalaallit Nunaata inuit innarluutillit tamakkiisumik inuiaqatigiinni inuunissaat anguniarlugu ikiorsiissutaasinnaasut assigiinngitsut misissuiffiginissaat isumagissavaa.


Kalaallit Nunaata qulakkeertussaavaa inuit innarluutillit ikiorsiissutit assigiinngitsut suut periarfissaanerineraat ilisimasariaqarneraallu atuisunut sulissutigissallugu.

Isumaqatigiisut naapertorlugu sulisut sulinissaat siunertaralugu, Kalaallit Nunaata inunnik innarluutilinnik sullissisunut tamanut inuit innarluutillit pillugit isumaqatigiis-sutip imarisai paasititsiniutigissallugit isumagissassaraa.

Kalaallit Nunaata inuit innarluutillit pillugit isumaqatigiisut naapertorlugu suliaqarnek sapinngisaq tamaat piviusunngortissavaa. Aningaasaqarnikkut, inuttut atukkatigut kulturimullu tunngasutigut pisinnaatitaaffiit ataatsikkut aaqqiivigineqarsinnaangillat, taamaattorli Kalaallit Nunaat siuariartuuteqartuaannarnissaq sulissutigissavaa.

Kalaallit Nunaata inatsisinik maleruagassanillu nutaanik suliaqartillutik inuit innarluutillit inatsisinut qanoq isumaqarnerat naalaartariaqarpaat. Kalaallit Nunaata inuit innarluutillit kattuffii aqqutigalugit tamakkuninnga suleqatigiiffigissavaat.

Kalaallit Nunaat inuit innarluutillit pillugit isumaqatigiissummi allassimassasut saniatigut suli annerusumik iliuuseqarsinnaavoq. Tassa imaappoq Kalaallit Nunaat inuit innarluutillit annerusumik pitsanngorsaavigineqarnissaat isumaqatigiissummi allaqqasut saniatigut suliniuteqarsinnaavoq.



Immikkoortoq 5

Kikkulluunniit naligiimmik pineqassallutik pisinnaatitaaffigivaat

Inuit tamarmik naligiipput. Kalaallit Nunaanni inatsisit inunnut tamanut assigiimmik pisinnaatitaaffiliissapput aamma assigiimmik illersorneqassapput. Tamanna aamma inunnut innarluutilinnut atuuppoq. Kalaallit Nunaata inuit innarluutillit assigiimmik illersorneqarnissaat aamma assigiimmik pisinnaatitaaffeqarnissaat allatulli isumagissavaa.

Innarluuteqarneq pissutaalluni assigiinngissitsinerit suulluunniit inerteqqutigineqassapput. Kalaallit Nunaata inuit innarluutillit kinaassusersiorneqaratik inooqataasinnaanerat qulakkiissavaa.

Kalaallit Nunaata inuit innarluutillit inuttut allatulli periarfissinneqarnissaat sulissutigissavaa.

Immikkoortoq 6

Arnat innarluutillit

Arnat niviarsiaqqallu innarluutillit assigiinngitsutigut assigiinngisitsinermik nalaataqartarput. Angutinit innarluutilinnit annerusumik immikkoortinneqarsinnaasarput. Taamaattumik Kalaallit Nunaata arnat niviarsiaqqallu inuttut pisinnaatitaaffiik atuutsitsinissaq isumagissavaat.

Arnat innarluutillit amerlasuutigut assigiinngisitsinermik nalaataqartarmata, Kalaallit Nunaata arnat innarluutillit immikkoortinneqartarnerat illersussallugu pingaartumik isumagisussaavaa, taamaalilluni arnat kiffaangissuseqarlutik, naligiimmik aamma nammineerlutik inuuneqarniassammata.




Immikkoortoq 7

Meeqqat innarluutillit

Kalaallit Nunaatameeqqat innarluutillit pisinnaatitaaffii meeqqat allat pisinnaatitaaffiitulli atuutsitsinissaq isumagissaavaa.

Meeqqamut pitsaernerpaaq tamatigit pingaarnerpajuassaaq. Meeraq innarluutilik pillugu aalajangiisoqaleraangat tamanna eqqarsaatigineqartassaaq.

Meeqqat innarluutillit ulluinnarni inuunermi tunngasumik aalajangiisoqartillugu meeqqatulli allatulli tusaaneqarnissaminnut pisinnaatitaaffeqarput. Kalaallit Nunaata meeqqat isummersinnaatitaanerannut ikiorsiissallutik isumagissavaa.



Immikkoortoq 8

Paasissutissiineq

Kalaallit Nunaata inuit innarluutillit taakkualu inuunerat pillugit inuiaqatigiinni kikkunnut tamanut qaammarsaaqataanerunissaq isumagissaavaa. Kalaallit Nunaata inuit innarluutillit pillugit isummat pigiliutiinnakkat akiussavai inuiaqatigiinnilu kikkunnit tamanit inuit innarluutillit ataqqineqarnissaat sulissutigissallugu.

Tamanna ilaatigut ima paasineqassaaq:

- Kalaallit Nunaata inuit innarluutillit allatulli inuiaqatigiinni piginnaaneqarlutillu tunniussaqaarsinnaanerit pillugit tamanut paasititsiniutigissallugu sulissutigissavaa.
- Kalaallit Nunaata inuit innarluutillit pisinnaatitaaffii pillugit paasissutissiisarnis-saqsulissutigissavaa. Assersuutigalugu inuit innarluutillit ataqqineqartarnissaan-niktaakkualu pisinnaatitaaffeqarnerannik meeqqat ilinniartinneqartassasut.
- Kalaallit Nunaata radio, tv aviisillu atorlugit inuit innarluutillit inuit allat naligalugit inuiaqatigiinni innutaaqataanerisa takusassiarineqartarnissaat kaammattuutigissavaa.
- Kalaallit Nunaata atuarfeqarfiit ilinniarfeqarfiillu tamarmik atuartitaminnut inuit innarluutillit aamma pisinnaatitaaffii pillugit atuartitsissutigineqartarnissai isumagissavaa kaammattuuteqarfigissagaai.

Isumaqtigiissutip isumaa

Tusagassiuutitigut piviusulersaarlunilu oqaluttualiornermi ersersinneqassaaq innuttaasut tallimararterutaat innarluuteqartut. Tusagassiuutit inuiaqatigiinni pisut piviusut ersersissallugit akisussaaffigaat. Ajortisaarinngitsumik, paasinninnissamulli ilisimasaqalernissamullu oqaluttuassallutik akisussaaffigaat. Meeqqat inersimasullu nappaatip suussusianik paasinninnikkut imaluunniit innarluutillit ajunnginnerusumik, annertunerusumik aamma pitsaaneruserusumik saqqummersinneqartarnissaat pisariaqartinneqarpoq. Inuk qitiutillugu pineqartullu peqataatinneqarneratigut tamanna pitsaanerpaamik anguneqarsinnaavoq.

Immikkoortoq 9

Tikikkuminassuseq

Inuit innarluutillit allatulli kiffaanngissuseqarlutik nammineerlutik inuiaqatigiit iluanni peqataanissartik pisinnaatitaaffigaat. Taamaattumik Kalaallit Nunaata inuit innarluutillit atugarisaat pillugit pisariillisaanissaq inuiaqatigiit iluanni piffinni tamani sulissutigissavaa.

Pisariillisaaneq sumulluunniit tikikkuminarsaanermik aamma isumaqarpoq.

Assersuutigalugu imatut isumaqarpoq:

- Kalaallit Nunaata aqquserngit, umiarsualiviit, timmisartut, bussit, angallassis-sutillu allat tamanit atorneqartartut, unittarfiit, napparsimmaviit, atuarfiit, timersortarfiit illuutillu allat aamma pinngortitamut tikittariaannaanissaat sulissutigissavaa.
- Kalaallit Nunaata paasissutissat pissarsiariuminartuunissaat sulissutigissavaa.
- Kalaallit Nunaata suliffeqarfiit namminersortut neqeroorutaat tikikkuminarsarnissaasa sulissutigissavaa. Assersuutigalugu neriniartarfiit, unnuisarfiit aamma pisiniarfiit majorallaqarnissaat aamma inunnut innarluutilinnut naleqqussakkanik perusuersartarfeqarnissaat.
- Kalaallit Nunaata tikikkuminarsaanerit pillugit ilinniartitsissutigissagai.
- Illuutit kikkunnut tamanut ammasut toornerit atorlugit naqitanik atuaruminar-tunik paasiuminartunillu allagartalersorneqartarnissaat isumagissavaa.
- Inuit innarluutillit sumiiffinnut tamanut ammasunut isersinnaaniassammata ikiorneqarlutillu tapersersorneqarnissartik pisinnaatitaaffigaat.
- Inuit innarluutillit paasissutissanik pissarsinissaminnut ikiorneqarnissamut tapersersorneqarnissamullu pisinnaatitaaffeqarput.
- Teknikkikkut atortut nutaat inunnut innarluutilinnut tikikkuminarsarneqassap-put. Aamma Kalaallit Nunaata teknikkikkut atortut nutaat pissarsiarinissaanut sapinngisamillu akikitsuutinnissaanut sulissutigissavaat.



Immikkoortoq 10

Inuunissamut pisinnaatitaaffik

Inuit innarluutillit inuttut allatulli inuunermik inuuffiginnissinnaatitaapput.

Tamanna assersuutigalugu ima isumaqarpoq, Kalaallit Nunaata inuit innarluutillit inuttut allatulli peqqinnissaqarfimmi kiffartuunneqarlutik ikiorserneqartarnissaat isumagissavaa.





Immikkoortoq 11

Sorsunnermi ajunaarnersuaqarnermilu ikiorneqarnissaq

Kalaallit Nunaata ajornartorsiorfinni, soorlu sorsuffinni
ajunaarnersuaqarfinnilu inuit innarluutillit ikiorlugillu illersussavai.

Isumaqatigiissutip isumaa imaappoq:

2017-mi juunip qaammataani Uummannap kangerluani inuit innarluutillit
tassaarsuaqarneranut atatillugu ilaasimagaluarpata, aamma taakku inuttut
allatulli ikiorneqarlutillu illersorneqartussaapput.

Inuit innarluutillit ajornartoornermi eqqugaanerusarmata Kalaallit Nunaata
annerusumik immikkut eqqumaffiginerusariaqarpai.

Immikkoortoq 12

Inatsit tamanut naligiimmik atuuppoq

Inuit innarluutillit allatulli inuunerminnik aalajangiisnaatitaallutillu pisussaaffiliisunik aalajangiisnaatitaapput. Aamma nammineq aningaasaqarniarnertik aalajangiisnaatitaaffigaat.

Ima isumaqarpoq:

- Inuit innarluutillit allatulli illumik nalilimmik pigisaqarsinnaatitaallutillu kingornussaqaarsinnaatitaapput.
- Inuit innarluutillit inuttut allatulli namminneq aningaasaatik qanoq atussanerlugit aamma aningaasanik atornissamik pisinnaatitaaffeqarput.
- Inuk innarluuteqarnini pissutigalugu, illuminik, aningaasaatiminik allatulluunniit pigisaminik arsaarneqaarsinnaatitaanngilaq.

Inuit innarluutillit pingaarutilinnik aalajangiissatillutik tapersorneqarnissamik pisinnaatitaaffeqarput.


Inuk innarluuteqartoq inuup allap pingaarutilinnik aalajangiinissaa atorfisqaqtissinnaavaa, soorlu aningaasaqarnermut tunngatillugu. Taamaappat inuup pisinnaatitaaffii kissaatigisaalu tamatigut ataqqineqartassapput. Kalaallit Nunaata inuit innarluutillit taamatut aaqiisoqarnerani atornerlunneqannginnissaa qulakkiissavaa. Aaqiineq sapinngisamik sivikitsuinnarmik piffissalernerqassaaq. Pisortanit attuumassuteqanngitsunit taamatut aaqiineq nakkutigineqassaaq.



Isumaqatigiissut ima paasineqassaaq:

Inuup innarluutillip innarluuteqarnini pissutigalugu inuit allat pingaarutilimmik aalajangiisussanngortikkunigit tamanna inummut innarluutilimmut nammineersinnaassusiagaanerussaavaoq. Inuk nammineersinnaassusiaagaasoq inunnit allanit nammineersinnaanngitsutut pingaarutilinnillu aalajangiisnaanngitsutut naliligaasimassaaq. Inuk nammineersinnaassusiagaasoq 18-it inorlugit ukiulittut assersuunneqaarsinnaavoq. Nammineersinnaassusiagaanermi sorpassuit pingaarutillit aalajangeeqataaffiginissaat annaaneqartarput.

Ilaatigut qinersinerni taasisinnaanatillu qineqqusaarnissamut sassarsinnaanngillat.



Immikkoortoq 13

Kikkulluunniit eqqartuussivinnut saaffiginnissinnaapput

Inuit innarluutillit allatulli eqqartuussivinnut saaffiginnillutillu suliassanngortitsinissamut pisinnaatitaaffeqarput.

Inuit innarluutillit assersuutigalugu eqqartuussinermi peqataatinneqassappata ikiorneqarnissaminnik pisinnaatitaaffeqarput.

Kalaallit Nunaata eqqartuussivinni sulisunut ilinniartitsinissaq inunnik innarluutilinnik sullissisinnaanermut taakkualu pisariaqartitaannik pisinnaatitaaffinillu sullissisinnaasunik suliniuteqassaaq. Sulisut akornanni politiit inatsisilerituulluunniit ilinniartinneqarsinnaapput.

Isumaqatigiissutip isumaa imaappoq:

Inuk innarluutilik pinerluffigineqarsimappat, imlt. pinerlussimasutut pasineqarpat, taanna allatulli eqqartuussisulersuussinnginnermi eqqartuunneqarnermini eqqartuussisulersuussereernermiluunniit ilitsersorneqarlunilu ikiorneqarnissamut pisinnaatitaaffeqarpoq.

Immikkoortoq 14

Kiffaanngissuseqarneq inuttullu isumannaatsumik pineqarnissaq

Inuit innarluutillit allatulli kiffaanngissuseqartumik inuttullu isumannaatsumik inooqataanissartik pisinnaatitaaffigaat.

Inuit innarluutillit innarluuteqarnertik piinnarlugu kiffaanngissusiigaasinnaangillat. Tamanna isumaqarpoq, inuk innarluuteqarnera piinnarlugu paarnaarunneqarsinnaangilaq.

Inuit innarluutillit parnaarunneqarsinnaapput. Kisianni aatsaat inatsimmik unioqutitsisimappata .

Inuk innarluutillik paarnaarunneqarsimappat, inuit pisinnaatitaaffii innarluutillillu pillugit isumaqatigiissut atuutsinneqassapput.

Immikkoortoq 15

Anniartitsilluni naalliutitsinermut tamat illersugaasussaapput

Inuit kikkulluunniit anniartinneqaqqusaanngillat. Kinaluunniit pillaatissiaralugu annersarneqarlunilu erloqiseqqusaanngilaq.

Kinaluunniit akuersisimanngitsoq nakorsaatinik misileraanermut ilaasinnaangilaq.

Kalaallit Nunaata inuit innarluutillit misileraatinut illersorneqartussanngorlugit inatsisiliussallutik maleruagassiussallutillu isumagisassaraa.

Immikkoortoq 16

Nakuusernertut atornerlunneqarnermullu tamat illersugaasussaapput

Kalaallit Nunaata inuit innarluutillit angerlarsimaffimmini aamma inuiaqatigiinni atornerlunneqannginnissaat nakuuserfigineqannginnissaallu pillugit inatsisunik maleruagassanillu illersugaanissaat isumagissassaraa.

Kalaallit Nunaata inuit innarluutillit atornerlunneqannginnissaat nakuuserfigineqannginnissaallu pinaveersaartittussavaa. Assersuutigalugu atornerlunneqarnissaq nakuuserfigineqarnissarlut ilaqutariinnut aamma sulisunut qanoq ingalassimatisinnaanerlugu ilinniartitsissusutigineqarsinnaavoq. Aamma inuk innarluutilik atornerlunneqarsimappat imaluunniit nakuuserfigineqarsimappat qanoq pisortanut nalunaaruteqartoqarsinnaanerani ilikkassavaat.

Kalaallit Nunaata inuit innarluutillit paaqqinnittarfinni allanilu isumaginnittarfinni atornerlunneqannginnissaat aamma nakuuserfigineqannginnissaat anguniarlugu attuumassuteqanngitsumik nakkutilliisoqarnissaa isumagissassara.

Inuk innarluutilik atornerlunneqarsimappat nakuuserfigineqarsimappalluunniit Kalaallit Nunaata inuk nakussatseqqinnissaanut ikiorserneqarnissaa tapersorneqarnissaalu isumagissassaraa.

Arnat meeqqallu nakuuserfigineqarnissamut atornerlunneqarnissamullu aarlerinartorsiornerupput. Taamaattumik Kalaallit Nunaata arnat nivarsiaqqallu immikkut sianigissassaraa.


Nalungiliuk ...

Inuit innarluutillit inunnit allanit kanngutsaatsuliorfigineqarnissaminnut aarlerinartorsiornerummata Kalaallit Nunaata immikkut ittumik paarinerussalugit pisussaaffeqarpoq. Allanut attuumassuteqanngitsumik siumullu nalunaaruteqaqqaarani nakkutilliinerit saniatigut, assersuutigalugu ulloq unnuarlut paaqqinnittarfinni isumannaallisaaneq annertusarniarlugu pinaveersaartitsitsinikkut suliniuteqarnikkut, ersarissumik ingerlatitseriaaseqarnikkut kiisalu sulisunik, taakkualu soorunami pinerlussimanginnermut – aamma meeqqanut innarliisimanginnermut uppersaammik takutitsisimasunik, ilinniartitsinerit ersarissaanerillu aqutugalugit suliniuteqartoqarsinnaavoq. Inuit innarluutillit kinguaassiutitigut kanngutsaatsuliorfigineqarsimasut, piaarnerpaamik naleqquttunik katsorsartinneqassapput.

Immikkoortoq 17

Kikkut tamarmik namminiussusertik atorsinnaatitaavaat

Inuit innarluutillit nammineq timiminnik eqqarsaartariaatsimikkullu aalajangersinnaatitaapput. Tamanna inunnit tamanit ataqqineqassaaq.



Immikkoortoq 18

Sumulluunniit angalasinnaanermut pisinnaatitaaffik

Inuit innarluutillit sumulluunniit angalasinnaatitaapput. Allat naligalugit sumiluunniit najugaqarsinnaatitaallutillu inuusinnaatitaapput.

Inuit innarluutillit nunartik qimallugu nunamut allamut aallarsinnaatitaapput. Inuit innarluutillit innarluuteqarnerat piinnarlugu nunaannut uteqqunagit pinngitsaalineqarsinnaanngillat.

Inuit innarluutillit passimik allanillu inuttut uppersaatiniik pappiaqqanik peqarsinnaatitaapput. Inuit innarluutillit allat naligalugit nunamut sumulluunniit nuussinnaatitaapput tassanilu innuttaassuseqalerlutik. Inuk innarluuteqarnera pissutigiinnarlugu nuna tikitaq itigartitseqqusaanngilaq.

Meeqqat innarluutillit inunngornerminni ateqarsinnaatitaapput. Aamma naalagaaffimmi innuttaassuseqarsinnaatitaapput. Ajornanngippat, meeqqat innarluutillit angajoqqaaminni paaqqutarineqarsinnaatitaapput.


Immikkoortoq 19

Namineq inuuneqarnissamut inuiaqatigiinnullu akuunissamut pisinnaatitaaffik

Inuit innarluutillit inuunerminni assigiimmik periarfissaqarsinnaatitaapput aamma alltulli inuiaqatigiinni akuusinnaatitaapput. Tamanna Kalaallit Nunaata isumagisassaraa.


Tamanna isumaqarpoq:

- Inuit innarluutillit allat naligalugit sumi kikkullu najugaqatigiumanerlugit namminneq aalajangissallugu pisinnaatitaaffigaat.
- Inuit innarluutillit angerlarsimaffimmini ikiorneqarnissamik tapersorneqarnissamillu pisinnaatitaaffeqarput. Aamma inuiaqatigiinni akooqataanissamut ikiorneqarsinnaatitaapput.
- Kalaallit Nunaata inuit innarluutillit allat naligalugit neqeroorfigineqartarnissaat sulissutigisassaraa.



Isumaqatigiissut isumaqarpoq:

Inuk innarluuteqarnera pissutigalugu inuit immikkut paaqqinnittarfiini najugaqarnissaat pisortanit aalangiivigineqarsinnaangilaq. Inuk innarluutilik ilaqttami illoqarfiani najugaqarusukkuni pisortat pineqartoq tassani ineqarnissaanut tapersorneqarnissaa ikiorneqarnissaalu isumagisassaraa.



Immikkoortoq 20

Sumulluunniit orniguffiusinnaasunut tikilluaqqusaaneq

Inuit innarluutillit allat naligalugit sumiluunniit inuiaqatigiit orniguttarfiannut peqataanissartik pisinnaatitaaffigaat.

Tamanna isumaqarpoq:

- Kalaallit Nunaata inuit innarluutillit ajornanngitsumik sumulluunniit ornigussinnaanerat sulissutigissavaa. Inuit innarluutillit namminneq sumut qanorlu ornigukkusunnerlutik aalajangiinissaminnik periarfissinneqassapput.
- Kalaallit Nunaata inuit angalaarsinnaanissaanut ajornanngitsumik ikiorserneqarnissaat sulissutigissassaraa. Ikiorssiisutit atortuusinnaapput imaluunniit inuit ikiortaasinnaapput. Kikkut tamarmik akissaqarfigisinnaaniassammassuk ikiuineq akikinnerpaamiissaaq.
- Kalaallit Nunaata inuit innarluutillit taakkulu ikiortaat angalaarsinnaanissaanut ilitsersuunnissaat sulissutigissavaa.
- Kalaallit Nunaata, inuit innarluutillit ikiorniarlugit suliffeqarfinnut namminersortunut nutaanik ikiorssiisutinik ineriartortitseqataaqullugit kajumissaaruteqassaaq.


Immikkoortoq 21

Kikkulluunniit isummersinnaanermik pisinnaatitaaffeqarput paasissutissanillu pisinnaatitaaffeqarlutik

Inçuit innarluutillit allatulli isummersorsinnaatitaaffeqarlutillu oqarsinnaatitaapput. Aamma paasissutissanik paasisinnaasaminnik pissarsinissaminnut pisinnaatitaaffeqarpu

Tamanna isumaqarpoq:

- Kalaallit Nunaata inuit innarluutillit allatulli paasissutissinneqartarnissaat isumagissavaa. Paasissutissat inunnut innarluutilinnut paasiuminartussaapput, soorlu toornerit naqitat ussersorlunuunniit paasissutissiisoqassaaq.
- Kalaallit Nunaata inuit innarluutillit pisortanut saaffiginninnerannut toorneritnaqitat ussersorlunuunniit saaffiginnissutit atorreqarsinnaanerat isumagissavaa.
- Kalaallit Nunaata suliffeqarfiit namminersortut, tv, aviisillu aqutigalugit inuit innarluutillit eqaatsumik paasissutissinneqartarnissaata kajumissaarutigisarnissaa sulissutigissavaa.
- Kalaallit Nunaata ussersorluni attaveqatigiinnerup tapersersussavaa.




Immikkoortoq 22

Nammineq inuuneqarnissamut pisinnaatitaaffik

Inuit innarluutillit allatulli nammineq inuuneqarsinnaatitaapput. Assersuutigalugu allat inummumut innarluutilimmumut nammineq inuuneranumut aamma ilaqutariittumut inuuneranumut akuliuteqqusaanngillat. Inuit innarluutillit allagarsiaat assigisaallu akuersissuteqaqqaarani ammaqqusaanngillat.

Inuit immikkumut pisinnaatitaasumut kisimik inuit innarluutillit inuttumut paasissutissaataannik takunnissinnaatitaapput. Inuttumut paasissutissat tassaasinnaapput inuup normui.



Immikkoortoq 23

Ilaqutaqarnissamut angerlarsimaffeqarnissamullu pisinnaatitaaffik

Inuit innarluutillit allatulli katissinnaatitaapput, ilaqutariinniissinnaatitaapput meeraqarsinnaatitaallutillu.

Tamanna isumaqarpoq:

- Inuit innarluutillit namminneq meerartaarusunnerlutik, qassinik meeraqarusunnerlutik aamma qaqugu meerartaarusunnerlutik aalajangersinnaatitaavaat.
- Inuit innarluutillit akuersiseqqaarnagit naartusinnaajunnaartinneqaaqusaanngillat.
- Angajoqqaat innarluutillit meeqqamik najugaqatigisinnaanerannut pisinnaatitaaffeqarput. Meeraq perorsarnissaanut ikiortariaqarunik ikiorneqarsinnaatitaallutillu tapersorsorneqarsinnaatitaapput. Tamatigut meeqqamut pitsaanerpaaq ujartorneqassaaq.
- Meeqqat innarluutillit allatulli ilaqutaqarnissaq pisinnaatitaaffigaat. Taamaattumik meeqqat innarluutaat pissutigalugu toqqorneqannginnissaat, qimanneqannginnissaat imaluunniit tunniunneqannginnissaat anguniarlugu Kalaallit Nunaata ilaqutariinnut paasissutissiillunilu tapersersuissaaq.
- Meeqqat innarluutillit angajoqqaat najugaqatiginissaanut pisinnaatitaaffeqarput. Meeraq innarluuteqarnera imaluunniit angajoqqaat innarluuteqarnerat pissutigalugit meeraq angajoqqaaminit avissaartinneqassanngilaq. Tamatigut meeqqamut pitsaanerpaaq ujartorneqassaaq.

Nalunngiliuk

Inuk pisinnaasamigut killeqalersimangikkaluarluni innarluuteqarsinnaasoq? Atassusilersuinikkut assersuutigalugu anaanaq innarluutilimmik meeralik inoqatinut attaveqarnermi akimmiffeqalersinnaavoq. Meeqqani ilaannikkoo-riarluni nakorsiuuttartussaana imaluunniit meeqqap pisariaqartitai naaper-
torlugit najuuttartussaanaera pissutigalugu sulisinnaalluartutut isigineqarnissaa ajornakusoorsinnaavoq – imaluunniit aaqqissuussanut assigisaannulluunniit peqataanissaminut mininneqarsinnaalluni. Taamaalilluni atassusiinikkut innarluuteqarnermut kattunneqarluni.

Immikkoortoq 24

Kikkulluunniit ilinniarsinnaatitaapput

Inuit innarluutillit allatulli ilinniarnissaminnik pisinnaatitaaffeqarput. Kalaallit Nunaata inuit innarluutillit inuunertik naallugu allatulli atuartitsinermi peqataatinneqarnissaat naligiimmik periarfissaqarsinnaanerit qulakkiissavaa.

Taamaattumik Kalaallit Nunaata isumagissavaa nunap ilinniarfeqarfii inunniit innarluutilinnut tikikkuminartuunissaat. Ima isumaqarpoq, inuit innarluutillit allatulli atuartitsinissamut peqataanissaat periarfissarissavaat.

Kalaallit Nunaata makkua isumagissavai:

- Inuit innarluutillit ineriartorsinnaatitaapput sunalu pikkoriffiginerlugu paasisinnaatitaavaat, taamaalillutik inuiaqatigiinni inissaqartinneqalerlutik.
- Inuit innarluutillit allatulli pikkoriffigisamikkut ineriartornissaminnut periarfissaqassapput, inuiaqatigiinnilu inissartik nassaaralugu.
- Inuit innarluutillit allatulli inuiaqatigiinni kiffaanngissusilinni inooqataassapput inuiaqatigiinnilu peqataassallutik.
- Inuit innarluutillit innarluuteqarnertik pissutigalugu ilinniarfeqarfinni nalinginnaasuni mattunneqaqqusaanngillat.
- Meeqqat innarluutillit allatulli atuartinneqaqqusaapput. Atuartitsineq akeqanngilaq.
- Inuit innarluutillit atuartitsinermi ajunnginnerpaamik pissarsiaqarnissaat anguniarlugu assigiinngitsutigut tapersorsorneqarsinnaapput.
- Allakkat toorninngorlugit naqitat pillugit aamma allatigut attaveqaqatigeriaatsit pillugit ilinniartitsisoqassaaq.
- Ussersornermik atuartitsisoqassaaq.
- Ilinniartitsinermi ilinniartitsisut attaveqaqatigeeriaatsit atuartumut pitsaanerpaaq atussavai. Ilaatigut tassaasinnaavoq ussersorneq.
- Kalaallit Nunaata meeqqat innarluutillit immikkullu pisariaqartitsisut atuartinneqarnissaannut ilinniartitsisut piginnaasanik eqqortunik peqarnissaat qulakkiissavaa.
- Inuit innarluutillit ilisimatusarfinni, inersimasunut atuartitsinermi imaluunniit suliamut aalajangersimasumut ilinniarnermi ilinniartitaanernut allatulli peqataasinnaatitaapput

Nalunngiliuk...

Inuit innarluutillit ilinniakkamik naamassissappata, meeqqat aturfiani immikkut pisariaqartitaminnik ilisimasalinnik ilinniartitsisunik ilinniartitsillaq-qissunik pikkorissunillu pitsaasumik neqeroorfigineqarnissaat pisariaqartoq. Atuarneq ilinniarfiunngippat imaluunniit amigartumik atuortoqarsimappat meeqqat innarluutillit ajornakusoortumik imaluunniit ajornarlunnartumik ilinniagaqalersinnaanngillat.

Immikkoortoq 25

Kikkulluunniit peqqinnissamut pisinnaatitaaffeqarput


Inuit innarluutillit allatulli nakorsiarsinnaatitaapput, napparsimmavimmukarsinnaatitaapput allatigullu peqqinnissaqarnikkut ikiorserneqarsinnaatitaallutik pisinnaatitaallutik. Inuit innarluutillit innarluuteqarnertik pissutigalugu ikiorserneqarnissamut itigartinneqaqqusaanngillat.

Inuit innarluutillit pisariaqartitsinertik naapertorlugu peqqinnissaqarfimmit ikiorserneqarnissamik pisinnaatitaaffeqarput. Inuit innarluutillit aamma allanik innarluuteqalinnginnissaat pinaveersaartinniarlugu peqqinnissaqarfimmit ikiorserneqarnissartik pisinnaatitaaffigaat. Kalaallit Nunaata inuup innarluuteqartup angerlarsimaffianut qanittumi ikiorsiinissaq sulissutigissallugu isumagissassaraa.

Inuit innarluutillit allatulli peqqinnissaqarfimmi sulisunit ataqqineqarlutik ikiorserneqartarnissartik pisinnaatitaaffigaat. Peqqinnissaqarfimmi sulisut peqqissaasuu sinnaapput, angerlarsimaffimmi ikiortaasinnaapput aamma nakorsaasinnaapput. Kalaallit Nunaata peqqinnissaqarfimmi sulisut inuit innarluutillit pisinnaatitaaffiisa pisariaqartitaallu pillugit ilisimasaqarnissaat sulissutigissassaraa.

Inuit innarluutillit peqqinnissaqarfimmit ikiorserneqarusunnerlutik namminneq aalajangersinnaatitaapput.

Inuit innarluutillit nappasimalersinnaanermut sillimmasernissamut imminut sillimmasernissamut imaluunniit peqqinnissakkut ikiorserneqarnissamut innarluuteqarnertik pissutigalugu itigartinneqaqqusaanngillat.



Nalunggiliuk...

Inuit innarluutillit allanut naleqqiullutik peqqinnissamut neqeroorutininik eqqortunik qulakkeerneqannginnerusartut. Peqqinnissaqarfiup iluani arlalitsigut misissuisoqaranilu inunnut innarluutilinnut tusarnaannginnerusarput.

Immikkoortoq 26

Namineersinnaaneq anguniarlugu ikiorneqarnissamik pisinnaatitaaffik

Kalaallit Nunaata inuit innarluutillit namminneerlutik inuunissaat siunertaralugu ikiorneqarnissaat tapersersornissaallu isumagisassaraa. Inuit innarluutillit tapersersorneqarlutik ikiorneqarnissamillu pisariaqartitsisut inuiaqatigiinni allanik isumalluuteqaratik inuunissaannut aqutissiuunneqarnissartik pisinnaatitaaffigaat.

Pisinnaatitaaffik tamanna peqqissutsikkut, sammisaqartitsinikkut, ilinniagaqarnikkut inuttullu atukkatigut atuuppoq. Inuit innarluutillit kingusinnerusukkat sapinngisamik namineersinnaaniassammata, piffissami aalajangersimasumi annerusumik ikiorserneqarsinnaatitaapput.

Kalaallit Nunaata taamaattumik suliassaraa:

- Inuit innarluutillit sunik pisariaqartitsinersut sunillu piginnaaneqarnersut misissorneqarlutillu qulaajarneqassapput. Tamanna sapinngisamik piaartumik misissuiffigisarnissaat sulissutigineqassaaq.
- Inuit innarluutillit allatulli inuiaqatigiinni akuunissamat ikiorserneqarlutillu tapersersorneqarnissamik pisinnaatitaapput. Ikiorsiineq sapinngisamik inuup innarluutillip angerlarsimaffiata qanittuani pisassaaq. Inuit innarluutillit namminneqikiorserneqarusunnerlutik aalajangersinnaatitaavaat.
- Ikorfartortitut inunnillu innarluutilinnik allatut suliaqartut qanoq pitsaanerpaamikikiuinissaannut ilinniartinneqartassapput.
- Inuit innarluutillit namineersinnaanerit oqilisaanniarlugu atortut ikiuutaasut pillugit ilisimasat ineriartortinneqassapput.

Nalungiliuk...

Siusittumik eqqortumillu sungiusaalluni iliuuseqarnikkut, tapersiinnikkut aamma sianiutinik sunniinnikkut aalajangiisuusinnaammat, inuit innarluutillit inuunertik sinnerani qanoq ajunngitsigisumik iluatsissanersut?

2018-imi Pissassarfik ammarneqarpoq. Pissassarfik nuna tamakkerlugu inunnut innarluutilinnut sullissiviuvoq. Pissassarfik innarluutit assigiinngitsut tamangajammik pillugit suliarnut tunngatillugu ilitsersuineramik, siunnersuineramik, atuartitsineramik, katsorsaaneramik aamma sungiusarnermik neqerooruteqarpoq.

Pissassarfimmukarsinnaanerluni kommunep akuerisassaraa. Tamanna sullissisorisamat qinnutigineqarsinnaavoq.

Immikkoortoq 27

Kikkut tamarmik suliffeqarsinnaatitaapput

Inuit innarluutillit allatulli suliffeqarnissamut pisinnaatitaaffeqarput. Suliffeqarfik inunnut innarluutilinnut tikikkuminartuussaaq. Suliffimmi avatangiisit pitsaasuussapput. Tamanna isumaqarpoq, kikkut tamarmik ataqqineqassasut.

Kalaallit Nunaata inuit innarluutillit innarluuteqarnertik pillugu immikkoortinneqartannginnissaat anguniarlugu isumagissavaa. Assersuutigalugu tamanna atorfininnermi atorfirmilu qaffasissumi inissinneqarnissamutatuuppoq.

Inuit innarluutillit allat naligalugit assigiimmik akissaasersorneqarlutillu suliffimmi atugassarititaasunik pineqarnissartik pisinnaatitaaffigaat. Aamma peqatigiiffinnut ilaasortaanissaq pisinnaatitaaffigaat.

Kalaallit Nunaata inuit innarluutillit pisortani suliffeqarfinnilu namminersortuni sulilernissaat sulinnarnissaallu sulissutigissavaa.

Kalaallit Nunaata inuit innarluutillit sulilernissaat sulissutigissavaa.

Akisuallaanngippat, Kalaallit Nunaata inuit innarluutillit taakkunungalutulluarsakkanik suliffinnik pilersitsinissaq qulakkeertussaavaa.

Kalaallit Nunaata inuit innarluutillit suliffeqarfinni namminersortuni sulisinnaanerat suli niutigissavaa. Ilaatigut assersuutigalugu suliffeqarfiit namminersortut inunnik innarluutilinnik sulisoqarnermikkut ajunngitsorsiasaqaqtitsineratigut.

Inuit innarluutillit allatulli ilinniagaqarnissamik, ilinniagaqaqqinnissamik suliffinnullu qinnuteqarnissamik ilitsersuunneqarnissartik pisinnaatitaaffigaat.

Inuit innarluutillit pinngitsaalillugit sulisinniarneqassanngillat.

Nalunngiliuk...

Sulisitsisut innarluuteqarneq aamma suliffeqarnermi peqataatitsineq pillugit Tiliumi aamma kommunini paasissutissanik ujartuisinnaasut.

Immikkoortoq 28

Kikkulluunniit toqqissimasumik inuuneqarsinnaatitaallutillu inuunermi naammattumik pissaqartitaasinnaatitaapput


Inuit innarluutillit nerisaqarnissamut, atisassaqarnissamut angerlarsimaffeqarnissamullu pisinnaatitaaffeqarput.

Inuit innarluutillit allatulliinuunerminnik pitsannngorsaanissamik pisinnaatitaaffeqarput. Inuunertik pitsannngorsarniarlugu suliniuteqarunik immikkoortitaaqusaanngillat.

Inuit innarluutillit toqqissillutik inuunissartik pisinnaatitaaffigaat. Inuit innarluutillit piitsuullutik inuugunik ikiorneqarnissaminnik pisinnaatitaaffeqarput. Tamanna isumaqarpoq, atortorissaarutunik aamma tapersersuineri paaqqutarinninnermilu pisariaqartitaat Kalaallit Nunaata akilissagai.

Inuit innarluutillit pisortat inissiaataani aningaasatigut tapiiffigineqartuni najugaqarnissamut pisinnaatitaaffeqarput.

Inuit innarluutillit allatulli soraarnerussutisiaqalernissamut pisinnaatitaaffeqarput.



Immikkoortoq 29

Politikkikkut sunniuteqarnissamut pisinnaatitaaneq

Inuit innarluutillit allatulli politikimik sammisaqarnissamut pisinnaatitaaffeqarput. Tamanna Kalaallit Nunaata isumagisassaraa.

Inuit innarluutillit qinersinerni tamani taasisinnaatitaapput. Kalaallit Nunaata inuit innarluutillit qinersivinnut ornigussinnaanerit isumagisassaraa. Qinersineq pillugu paasiuminartumik paasissutissiisoqartassaaq. Inuit innarluutillit namminneq toqqagartik qinersinermi taanissaanut ikiorserneqarsinnaatitaapput.

Inuit innarluutillit qineqqusaarnerni sassarsinnaanermut pisinnaatitaaffeqarput. Kalaallit Nunaata inuit innarluutillit qineqqusaarnermi peqataaneranni qinerneqarlutik iserpata allatulli pineqarnissaat isumagisassaraa. Inuit innarluutillit qinersinermi iserlutik sulinissaanut atortunik politikikkut sulinermi ikiorserneqarnissamut pisinnaatitaapput.

Inuit innarluutillit peqatigiiffinni politikikkullu partiini sunilluunnit sulinissamut pisinnaatitaaffeqarput.

Aamma inuit innarluutillit, innarluutillit peqatigiiffinnik nutaanik pilersitsinissaannik, peqatigiiffinnulluunniit pioreersunut suleqataanissamut pisinnaatitaaffeqarput.

Inuit innarluutillit peqatigiiffianni sulinermi atukkatigut, najukkaminni, nunaminni sumiiffinnilu assigiinngitsuni, inuiaqatigiinni nunallu assigiinngitsut akimorlugit suleqataaffiginissaanut pisinnaatitaaffeqarput.

Nalungiliuk...

Kalaallit Nunaanni inunnut innarluutilinnut ilaqutaannullu peqatigiiffeqartoq. Peqatigiiffiit taakkua inuit innarluutillit inunnik allanik peqateqarnerunissaat paasineqarnerunissaallu aqutissiorpaat.

2018-mi Nunatsinni Inuit Innarluutillit Kattuffiat siulleq pilersinneqarsimavoq, NIIK – nuna tamakkerlugu kattuffiusut tallimaasunit sisamat massakorpiaq ilaapput, tassaasut Inooqat – Angajoqqaat peqatigiiffiat ineriartormigut akornutilinnut Nuna tamakkerlugu peqatigiiffik Autisme-kreds Grønland, KTK – Tusilartut peqatigiiffiat aamma ISI – Tappiitsunut isigiarsuttunullu peqatigiiffik kiisalu Inuit isumaliortaatsimikkut nappaateqartut taakkualu sugisaasa peqatigiiffiat Sugisaq.

Niik.gl aamma Tilioq.gl – mi nassaarisinnaavatit peqatigiiffiit allattorsimaffii, attaveqarfissat, paasissutissallu

Immikkoortoq 30

Timersorneq, kulturi sunngiffimmilu sammisaqarsinnaatitaaneq

Inuit innarluutillit allatulli kulturimi pikialaarfinni assigiinngitsuni ilaasinnaapput. Kalaallit Nunaata makku suliniutigissavai:

- Atuakkat inunnut innarluutilinnut tikikkuminartuunissaat.
- Tv, filmet isiginnartitsiviit kulturikkullu sammisat tikikkuminartuunissaat.
- Inuit innarluutillit katersugaasivinnut, filmertarfinnut, atuakkanik atorniartarfinnut takornariallu ornigartagaannut inuit isersinnaassapput.

Kalaallit Nunaata inuit innarluutillit nutaaliornissamik eqqumiitsulianillu pilersitsinnissaminnik periarfissinneqassasut isumagissavaa. Imminuinnaq iluaqutissatut pinnani, inuiaqatigiilli tamarmiusut iluaqutissaannik.

Kalaallit Nunaata kulturit immikkoortut oqaatsillu, inunnik innarluutilinnik ilaasortaaf-figineqartunik akueralugillu tapersissavai. Tamanna imatut paasineqassaaq, Kalaallit Nunaata ilaatigut ussersorneq tusilartullu kulturiat tapersissagai akueralugillu.

Inuit innarluutillit timersorsinnaatitaallutillu sunngiffinni aliikkutanut allanut peqataasinnaatitaapput.

Kalaallit Nunaata makku suliniutigissavai:

- Inuit innarluutillit sunulluunniit timersuutinut tamanut peqataanissamut periarfissaqarnissaat.
- Inuit innarluutillit innarluutilinnut tulluarsakkamik timersornikkut sammisassaqartitsiviusunut allanullu sukisaarsarfissanut periarfissinneqarnissaat.
- Inuit innarluutillit sunngiffikkut ingerlatanut isersinnaassapput, assersuutigalugu, timersortarfinnut, sissamut, kangerlummumut arsaattarfinnut aamma pinngortitamut.
- Meeqqat timersortarfinnut – aamma sukisaarsartarfinnut allatulli isersinnaallutillu pinnguaqataasinnaanerat, ilaatigut atuarfimmi immikkut pingaaruteqarpoq.

Nalunngiliuk ...

Inuit innarluutillit inuiaqatigiinni peqataanissartik allatulli pisariaqartippaat, s.a. timersornermi peqataallutik. Tamanna ikiorlugit pisinnaavoq, naleqqussaannikkut imaluunniit immikkut aaqqissuilluni ”klubbi iluani klubbimik” soorlu assersuutigalugu NÛK Håndbold Starz.

Immikkoortoq 31-miit 50-mut

Nunat akornanni suleqatigiinneq

Kalaallit Nunaata nunat allat suleqatigalugit isumaqatigiissutip siunertaata piviusunngornissaa isumagissavaa.

Kalaallit Nunaat suliniaqatigiiffiit nunani allaniittut aamma suleqatigissavai. Ajornanngippat innarluutilinnut suliniaqatigiiffiit allat suleqatiginissaat isumagissavaa.

Assersuutitut nunanik allanik suleqatigiinneq makkuusinnaapput:

- Paarlaasseqatigiinnermut pilersaarutit inunnut innarluutilinnut tikikkuminartuunissaat.
- Nunat misilittagaannik ilinniarfeqatigiinneq.
- Nunat ilisimatusarnikkut teknikkikkullu ilisimaqarnermi paarlaasseqatigiinneq.
- Nunat aningaasaqarnikkut imminnut ikioqatigiinnerat.

Isumaqatigiissutip atuutsilerneranut nakkutillineq

Kalaallit Nunaata Isumaqatigiissut najoqqutaralugu inuit innarluutillit pisinnaatitaaffitik pissarsiarissagaat isumagissavaa. Taamaattumik Kalaallit Nunaata suliniaqatigiiffimmik eqimattamilluunniit isumaqatigiissummik eqquutitsisoqarneranik nakkutiginnittussamik pilersitsissaaq.

Nunatsinni kattuffiit aamma peqatigiiffiit Isumaqatigiissut malinneqarnersoq qulakkeerumallugu nakkutilleeqataassapput. Pingaaruteqarportaaq Isumaqatigiissutip eqquutsinneqarnersoq inunnit innarluutilinnit immikkut peqataaffigineqartarnissaa.

Inuit innarluutillit pisinnaatitaaffii pillugit ataatsimiititaliaat

Naalagaaffiit Peqatigiit inuit innarluutillit pisinnaatitaaffii pillugit ataatsimiititaliamik immikkut pilersitsisimapput. Ataatsimiititaliaq tassaavoq eqimattat inunnik qinerneqarsimasunik ilaasortallit, taakkualu qinerneqarsimapput isumaqatigiissut nunani isumaqatigiissummik akuersisimasuni naapertuuttumik atuutsinneqarnersoq nakkutigissallugu.

Ataatsimiititaliaq nunanit assigiinngitsunit ilaasortaataqassaaq. Ataatsimiititaliami inuit innarluutillit aamma ilaasortaasartussaapput.

Ukiut sisamakkaarlugit nunat tamarmik ataatsimiititaliamut nalunaarusiamik nassitsisassapput. Nalunaarusiami nunat assigiinngitsut inuit innarluutillit pisinnaatitaaffiini isumaqatigiissut qanoq suleriuseqarfiginerlugu sumullu suliaq killinnersoq nalunaarusiarisartussaavaat.

Ataatsimiititaliap nalunaarusiat tamaasa misissuiffigereerunigit nunat assigiinngitsut qanoq inuit innarluutillit pillugit pisinnaatitaaffiisa isumaqatigiissutaat naapertorlugu suleriaaseqarsinnaanerannik siunnersuuteqartassapput.

Isumaqatigiissut tamanit atuarneqarsinnaallunilu paasineqarsinnaassaaq

Innarluutillit pillugit isumaqatigiissut pissarsiariuminassaaq. Saqqummersitaq naqitaasinnaavoq atuaruminartoq imaluunniit toornerit naqitat tappiitsunut atuarneqarsinnaasoq.

Kalaallit Nunaanni isumaqatigiissut innarluutilinnit tigusariaannaasoq

Innarluutillit isumaqatigiissutaat innarluutilinnut naleqqussarlugu nutserneqarsimavoq, taakkua Tiliup nittartagaani Tilioq.gl-mi takuneqarsinnaapput.

- Isumaqatigiissut kalaallisut atuaruminarsarlugu atuarneqarsinnaavoq aamma elektronisk-mik nittartakkami Tilioq.gl (pdf) pissarsiarineqarsinnaavoq
- Isumaqatigiissut ussersorluni filmiliami youtube-mi link-eqarluni Tilioq.gl-imi takuneqarsinnaavoq.
- Innarluutillit pisinnaatitaaffii video'ni tallimaasuni Youtube'mi aamma Tilioq.gl-mi ataatigut allagartalerlugit takuneqarsinnaapput.

